

**Ilanngussaq 1****Det Internationale Atomenergiagentur-imi atomip nukinganut isumannaallisaaneq pillugu nunani tamalaani isumaqatigiissutip naalisarnera****1. Aallaqqaasiut**

Atomip nukinganut isumannaallisaaneq pillugu nunani tamalaani isumaqatigiissut 1994-imi juunimi Det Internationale Atomenergiagentur qaaqquisuunerani akuerineqarpoq.

Danmarkip nunani tamalaani isumaqatigiissut tilsluttede sig konventionen i september 1994-imi septembarimi taperserpaa aammalu 1998-imi novembarimi nunani tamalaani isumaqatigiissut ilaaffigilerlugu akueralugu. Tassunga atatillugu Danmarki Kalaallit Nunaannut aamma Savalimmiunut nunani tamalaani isumaqatigiissutip atuunnissaanut tunuarsimaarfeqarpoq.

**2. Nunani tamalaani isumaqatigiissutip siunertaa**

Nunani tamalaani isumaqatigiissut pingarnertigut, naalagaaffiit ilaasortaasut atomip nukinganit nukissiorfinni qaffasissumik isumannaallisaanermik pilersitsinissaannik siunertaqarpoq. Atomip nukinganit nukissiorfiit, nunani tamalaani isumaqatigiissummi pineqartunut ilaasut tassaapput inuiaqatigiinni atomip nukinganit nukissorfiit nunami pilersinneqarsimasut.

Taamaalilluni nunani tamalaani isumaqatigiissut naalagaaffiit ilaasortaasut atomip nukinganit nukissiorfinnik pilersitsinissamut akuersissutinik tunniussisarneq pillugu, atomip nukinganit nukissiorfinnut nakkutilliineq misissuisarnerlu pillugit, aammalu akuersissutini akuliuttarneq utertitsisarnerlu pillugit inatsisiliornissamut ilaatigut naalagaaffiit ilaasortaasut pisussaaffilerneqarnissaannut tunngassuteqarpoq. Nunani tamalaani isumaqatigiissut aamma naalagaaffiit ilaasortaasut sulisartut aamma innuttaasut ulorianartunik qinngorfigitinnginnissaat (atomip nukinganit nukissiorfinnit) qulakkiissavaa. Kiisalu nunani tamalaani isumaqatigiissut aamma naalagaaffiit ilaasortaasut atomip nukinganut upalungaarsimanermik pilersitsinissaannut tunngassuteqarpoq.

### 3. Nunani tamalaani isumaqatigiissutip imarisai aalajangersimasut (eqikkaaneq)

- Artikel 7 malillugu naalagaaffiit ilaasortaasut atomip nukinganit nukissiorfinnut tunngatillugu isumannaallisaanermut piumasaqaatit pillugit inatsisunik pilersitsissapput, ilanngullugit akuersissummik peqarani atomip nukinganit nukissiorfimmik ingerlatsinissamik inerteqquteqartarneq pillugu.
- Artikel 8 malillugu naalagaaffiit ilaasortaasut atomip nukinganut nakkutilliinermut oqartussaasumik pilersitsissapput, taanna sulinermini oqartussaasunut kattuffinnullu il.il., atomip nukinganit nukissiamik (pilersuineq) atuinerup siammarsarnissaanut imaluunniit siuarsarnissaanut suliaqartunut, attuumassuteqartuussanani.
- Artikel 14 malillugu atomip nukinganit nukissiorfimmik pilersitsinermut atatillugu sioqutsisumik isumannaallisaanermik nalilersuinernik annertuumik tulleriissaartumillu ingerlatsisoqarnissaa, taakkualu nunami namminerimi isumannaallisaanermut piumasaqaatinut naapertuunnerat naalagaaffiit ilaasortaasut qulakkiissavaat.
- Artikel 15 malillugu sulisartut innuttaasullu ulorianartunik qinngorfigitissinnaanerit suliaqarnermi sapinngisamik annikitsuutinnissaa aammalu nunami namminerimi annertussusissanut killissaliussatut aalajangersagaasut saniatigut nalaanneqartoqannginnissaa naalagaaffiit ilaasortaasut qulakkiissavaat.
- Artikel 16 malillugu naalagaaffiit ilaasortaasut atomip nukinganut upalungaarsimasunik pilersitsissapput;
  - litra 1 malillugu naalagaaffiit ilaasortaasut, nunami akisussaaffeqarfimmini atomip nukinganit nukissiorfeqartut, atomip nukinganit nukissiorfimmi avataanilu pissutsinut tunngatillugu upalungaarsimanermut pilersaarutitik suliaqartoqarnissaa, upalungaarsimanermut pilersaarutit akuttunngitsumik misilerarneqartarnissaat, aammalu upalungaarsimanermut pilersaarutini iliuusissat ajutoortoqarnerani aallartinneqartussat ilaatinneqarnerisut, qulakkiissavaat,
  - litra 3 malillugu naalagaaffiit ilaasortaasut nunami akisussaaffeqarfimmini atomip nukinganit nukissiorfeqanngitsut, kisianni qanitaminni atomip nukinganit nukissiorfimmi ajutoornermit kalluarneqarsinnaasut, iliuusissanut ajutoortoqarnerani aallartinneqartussanut tunngatillugu upalungaarsimanermut pilersaarutitik peqarnissaa, qulakkiissavaat \*.
- Artikel 20 malillugu naalagaaffiit ilaasortaasut "review meetings" ingerlanneqarnerannut peqataasassapput, tassani naalagaaffiit ilaasortaasut nunani tamalaani isumaqatigiissut malillugu pisussaaffimminik qanoq naamassinninnerminnut nassuiaataat sammineqartassallutik aammalu tassani naalagaaffiit ilaasortaasut nunani tamalaani

isumaqatigiissut malillugu pisussaaffiit naammassineqarsimanerannut tunngatillugu  
naalagaaffinnit ilaasortaasunit allanit apeqqutit akissuteqarfigissallugit.

[\*Kalaallit Nunaanni atomip nukinganut upalungaarsimaneq Naalagaaffiup susassaqarfigaa,  
Upalungaarsimanermut Aqutsisoqarfimmit isumagineqartoq. pisussaaffiit nunani tamalaani  
isumaqatigiissut malillugu Danmarkip pisussaaffigisai – aamma Kalaallit Nunaannut  
tunngatillugu - Atomip nukinganut upalungaarsimasut naammassisimavaat.]